

आकाशवाणी

खबरां छिवि रैणा कोला:-

- प्रधानमंत्री नरेन्द्र मोदी होरें गुजरात दे भवनगर च कोई 34 हजार 2 सौ करोड़ रुपे दी लागत दे केई विकास परियोजनाएं दा उदघाटन ते नीह पत्थर रखेया ते आखेया जे देश दी समृद्धि ते विकास लेई आत्मनिर्भर महत्वपूर्ण।
- मोरक्को च आत्मनिर्भर भारत पैहल तैहत पैहला भारतीय रक्षा विनिर्माण संयंत्र खड़ेया जाग।
- अहमदाबाद -मुम्बई बुलेट ट्रेन दा पैहला खंड 2027 तोड़ी शुरु होई जाग- आखेया रेल मंत्री अश्विनी वैष्णव होरें ।
- ईरान नै आखेया जे ओ अपने परमाणु कारजक्रम गी लेइयै कुसे बी अनुचित दबाव गी बर्दाश्त नैई करोग- उनें चेतावनी दिती जे नेह कदम थमां तनाव बदी सकदा ऐ।
- बैडमिन्टन च Satwiksaifaj Rankireddy ते चिराग शेटी होर चाईनी Masters 2025 दे प्रमुख Double सैमिफाइन च पुज्जी गे।

<><><><><><>

PM Gujarat

प्रधानमंत्री नरेन्द्र मोदी होरें देसै गी हर खेतर च आत्मनिर्भर बनाने दी जरूरतें पर जोर पांदे होई आखेआ ऐ जे बदेशी मुल्यें पर भारत दी निर्भरता, साढ़े सबनें शा बड्डे दुश्मनें चा इक्क ऐ। उनें आखेआ जे हून समां आई गेदा ऐ जिसलै भारत 2047 तगर विकसित भारत दे सुखने गी सच करने लेई दुनिया दे सामने इक आत्मनिर्भर राष्ट्र दे रूपे च खड़ा होऐ। प्रधानमंत्री मोदी अज्ज गुजरात दे भावनगर च समुंदर थमां समृद्धि नांs दे कार्यक्रम गी संबोधित करा' रदे हे। भारत गी इक समुंदरी महाशक्ति बनाने दे अपने सरकार दे नजरिये पर बचार सांझे करदे होई श्री मोदी होरें आखेआ जे देसै दा लक्ष्य 2047 तगर वैश्विक समुंदरी बपार च अपनी हिस्सेदारी गी त्रै गुणा तगर पुजाना ऐ। कार्यक्रम दौरान प्रधानमंत्री होरें 32 हजार करोड़ रुपे शा मते दी केई परियोजनाएं दा उदघाटन ते नीह पत्थर रखेया। श्री मोदी होरें 7 हजार 800 करोड़ रुपे शा मती लागत

दी कैंई प्रमुख समुन्द्री परियोजनाएं कन्नै मुम्बई अंतराष्ट्रीय क्रूज टर्मिनल दा बी उदघाटन कीता। भारत दी ऐतिहासिक समुन्द्री ताकत गी दोहरांदे होई प्रधानमंत्री होरें आखेया जे इक समय हा जिसलै दुनिया 40 थमां 50 फीसद समुन्द्री बपार भारत च निर्मित जहाजें राएं हुंदा हा।

<><><><><><>

Rajnath Morocco Visit

रक्षामंत्री राजनाथ सिंह होर सोमवार थमां मोरक्को दी दंडु दिनें दी आधिकारिक यात्रा पर जागंन। एह कुसे रक्षा मंत्री दी उत्तरी अफ्रीकी राष्ट्र दी पैहली यात्रा होग। उन्दा एह दौरा भारत ते मोरक्को बश्कार बददे रणनीतिक सहयोग गी दर्शादा ऐ। यात्रा दौरान रक्षामंत्री बेरेकिड च Tata Advanced System मोरक्को दे Wheeled Armoured Platform संयंत्र दे उदघाटन च शामिल होगंन। एह अफ्रीका च पैहला भारतीय रक्षा विनिर्माण संयंत्र ऐ। एह आत्मनिर्भर भारत पैहल तैहत रक्षा- उद्योग दी बददी वैश्विक उपस्थिति गी दर्शादा ऐ। श्री सिंह होर रक्षा- रणनीतिक ते उद्योग सहयोग गी मजबूत करने लेई मोरक्को दे रक्षामंत्री Abdeltif Loudiyi कन्नै दबक्खी बैठक करगंन। रक्षामंत्री औद्योगिक सहयोग दे मौके दा पता लाने लेई मोरक्को दे उद्योग ते बपार मंत्री हुंदे कन्नै मुलाकात करगंन। अपनी यात्रा दौरान रक्षामंत्री भारतीय समुदाय कन्नै गल्लबात करगंन। दौनें नेता रक्षा क्षेत्र च सहयोग पर इक समझौता ज्ञापन पर बी दस्तखत करी सकदे न। एह समझौता औद्योगिक ते दबक्खी रक्षा सरबंधें गी मजबूत करोग।

<><><><><><>

NSA Canada

राष्ट्रीय सुरक्षा सलाहकार अजीत डोबाल होरें इस महीने दी 18 तरीक गी नमीं दिल्ली च कनाडा दी राष्ट्रीय सुरक्षा ते खुफिया सलाहकार- Nathalie Drouin हुंदे कन्नै बैठक कीती ही। दोने देशें नै विश्वास बहाली ते सहयोग दे विस्तार च तेजी गी रेखांकित कीता। विदेश मंत्रालय नै आखेया जे उनें आतंकवाद निरोधक-अंतराष्ट्रीय संगठित अपराध थमां निबड़ने ते खुफिया जानकारी सांझी करने सनें दपक्खी सरबंधें गी अगगे बदाने पर चर्चा कीती। दौनें पक्ष सुरक्षा सहयोग गी मजबूत करने पर बी समहत होए। उनें भविष्य दे सहयोग दे प्राथमिकता आहले क्षेत्रें पर बी विचार-विमर्श कीता ते क्षेत्रीय ते वैश्विक घटनाक्रम पर विचारें दा अदान-प्रदान कीता।

<><><><><><>

Vaishnav Bullet Train

रेल मंत्री अश्विनी वैष्णव होरें आखेया जे अहमदाबाद मुम्बई बुलेट ट्रेन दा पैहला खंड 2027 तोड़ी शुरु होई जाग। नवी मुम्बई च घनसोली ते शिलफाटा सुरंगें दे निर्माण कम्में दे पूरा होने दे बाद मीडिया कन्नै गल्लबात च श्री वैष्णव होरें एह जानकारी दिती। उन्नै इस सुरंग दे निर्माण गी बुलेट ट्रेन परियोजना च महत्वपूर्ण दस्सेया। केन्द्रीय मंत्री होरें दसेया जे परियोजना च 320 किलोमीटर लम्मा पुल बनियै तैयार ऐ ते साबरमती सुरंग दा निर्माण कार्य पूरा होने जा रदा ऐ। सब्भै स्टेशनें ते पुलें दा निर्माण कम्म तेजी नै चलै रदा ऐ। श्री वैष्णव होरें आखेया जे इस परियोजना च केई स्वदेशी तकनीकें-उपकरणें दा इस्तेमाल किता जा रदा ऐ।

<><><><><><>

Iran FM

ईरान दे विदेश मंत्री सर्ईयद अब्बास अरागची होरें आखेया ऐ जे तेहरान अपने न्यूक्लियर कार्यक्रम पर कोई गैर-जरूरी गल्ल दबाव बर्दाश्त नेई करोग ते चेतावनी दिती ऐ जे ऐसी कोशिश हालात मते खराब करी सकदी ऐ। उन्नै जोर देइयै आखेया जे ईरान लगातार कूटनीति अपना रदा ऐ ते तकनीकी सहयोग बी बदा रदा ऐ। अराघची होरें ए गल्ल IAEA प्रमुख राफेस ग्रोसी हुंदे कन्नै फोन पर आखी। संयुक्त राष्ट्र सुरक्षा परिषद दे प्रस्ताव गी अपनाने च असफल रौहने मगरा ऐसा होआ- जेदे तैहत 2015 Nuclear Deal 2015 आस्तै मंजूर राहत थी सकदी ही।

<><><><><><>

CJI

भारत ते मुख न्यायधीश B.R. Gavai होरें अज्ज बड्डलै नमी दिल्ली च केन्द्रीय प्रशासनिक न्याधीकरण (CAT) दे 10में अखील भारतीय सम्मेलन दा उदघाटन किता। अपने सम्बोधन च मुख न्यायधीश Gavai होरें आखेया जे इन्नै न्याधीकरणें दा मकसद सरकारी अधिकारियें गी कार्यकुशलता ते न्यां तोड़ी उन्दी पुज्ज च सुधार लेई औना ऐ। उन्नै आखेया जे CAT नै अपनी स्थापना दे बाद थमां पिच्छले 4 दहाके च इस लक्ष्य गी हासल करने लेई अनथक प्रयास किते न। न्याधीकरण दे फैसले च मती एकरूपता ते

उन्दे कम्मकाज च पारदर्शिता दी जरूरता पर बल दिंदे होई भारत दे मुख न्यांधीश होरें आखेया जे न्याधीकरण औने आहले हर इक व्यक्ति गी एह महसूस होना लोइचदा जे फैसला तर्कसंगत ऐ। 10में अखील भारतीय सम्मेलन दा मकसद न्याधिक ते प्रशासनिक व्यवस्था गी मजबूत बनाने लेई अगगे दे कदमें पर विचार-विमर्श करना ऐ।

<><><><><><>

Sewa Parv.- Digital Health Ecosysteme

पूरे देश च मनाए जा रदे “सेवा पर्व” दे तैहत अज्ज अस तुसेंगी दस्सगे कियां मोदी सरकार नै भारत दे डिजिटल सेहत सेवा तंत्र गी महत्वपूर्ण मजबूती दिती ऐ। आयुष्मान भारत डिजिटल मिशन, जेड़ा के 2021 गी शुरु किता गया हा-एदे ऐठ 80 करोड़ थमां मते आयुष्मान भारत सेहत खाते बनाए गे, जिन्दे जरिए 71 करोड़ सेहत कार्ड लिंक किते जा रदे न। इक हजार 6 सौ करोड़ रुपए दे बजट दे कन्नै-इस मिशन दा मकसद सेहत सेवां आस्तै मजबूत डिजिटल ढांचा तैयार करना ऐ। इस मिशन दा इक हिस्सा ई-संजीवनी प्लैटफार्म नै Telemedicine सेवा राएं दूर-दरेडे इलाकें च रवा रदे लोकें दी बेहतर सेहत सेवा तोड़ी पुज्ज खरी-मती बदा रदा ऐ। Telemedicine सेवा आस्तै लोक फोन करियै डाक्टरें दा मशवरा हासल करदे न।

<><><><><><>

Bihar Prez

बिहार च राष्ट्रपति द्रोपदी मुरमू होरें अपने पूर्वजें ते पितरें दी आत्मा दी शांति लेई गया जी च पिंडदान किता। बिहार दे राज्यपाल आरिफ मोहम्मद खान उंदे कन्नै मंदिर परिसर तोड़ी गै, राष्ट्रपति 2 घंटे शा घट्ट समय तोड़ी मंदर च रेइयां ते सब्भै अनुष्ठान सम्पन्न किते। मंदर च पूजा-अर्चना दे बाद राष्ट्रपति होर इक विशेष विमान थमां नमीं दिल्ली लेई रवाना होइयां। एदे कोला पैहले राष्ट्रपति होर अज्ज बड़लै बिहार दी तीर्थ नगरी-गया जी पुज्जियां। उनें उत्थे चला रदे विश्व प्रसिद्ध पितृ पक्ष मेले च पूजा-अर्चना बी कीती।

<><><><><><>

GST Railways

GST च कटौती दा लाह सीद्दे उपभोक्ताएं तोड़ी पजाने दे मकसद च रेल मंत्रालय नै ट्रेनें ते रेलवे परिसरें च उपलब्ध Packaged पेयजल दी MRP च कटौती दी घोषणा कीती ऐ। एदे तैहत इक लीटर दी Packaged पेयजल बोतलें-रेल नीर ते होरनें ब्रांड दी बोतल हुन 15 रुपये शा घटियै 14 रुपये होई जाग। इस्सै चाली 500 मिलिमिटर दी नेह बोतलें दी कीमत पैहले दे 10 रुपये थमां घटियै 9 रुपये रेई जाग। पानी दी बोतलें दी संशोधित कीमतां इस महीने दी 22 तरीख थमां लागू होग।

<><><><><><>

GST Reforms

समूलचे जम्मू-कश्मीर दे बसनीकें सरकार आसेआ अगली पीढ़ी दे जी.एस.टी सुधारें तैहत जी.एस.टी दिएं दरें च कीती गेदी कटौती दा सोआगत कीता ऐ ते इसी आम माहनुयै लेई इक्क बड्डी राहत करार दिता ऐ। सरकार नै घरेलू इलैक्ट्रानिक समेयान पर लग्गने आहले जी.एस.टी पर कटौती कीती ऐ। एयर कंडीशनरें-डिशवाशरें-टेलीविजनें ते मॉनीटरें पर टैक्स दी दर गी 28 फीसदी सवां घटाइयै 18 फीसदी करी दिता ऐ। एहदा मकसद मंगग च बाद्दा करना, मुकामी उत्पादकें दी सहायता करना ते आयात पर निर्भरता गी घट्ट करना ऐ। लोकें एकड़े सुधारें दा सुआगत करदे होई आखेआ ऐ जे एहदे कन्नै इलैक्ट्रानिक समेयान होर सस्ता होग। इस फैसले कन्नै भलेआं लौहके, लौहके ते दरम्याने दर्जे दे उद्यमें गी लाह पुज्जने दी मेद ऐ। जी.एस.टी दिआं नमियां दरां संगारें सवां लागू होई जाडन।

<><><><><><>

ARM's New Semiconductor

ब्रिटेन दी सैमिकंडक्टर कम्पनी ARM हुन भारत च 2 Nanometre चिप बनाग। ए चिप बैंगलुरु च गें Design किते जागंन। Electronics ते Information Technology मंत्री अश्विनी वैष्णव होरें ARM दे नमें दफ्तर दा उदघाटन करदे होई एह जानकारी दिती। इनें चिप दा इस्तेमाल AI Server, Drone ते Mobile Phone च किता जन्दा ऐ। उनें दसेया जे भारत दे सैमिकंडक्टर मिशन दा इक बड्डा लक्ष्य प्रतिभा गी बढ़ावा देना ऐ। उनें आखेया जे देश दा मकसद छड़ा चिप गै नैई बल्के उन्दे लेई जरूरी उपकरणें ते समग्रीयें दा बी

डिजाइन ते निर्माण करना ऐ। एदे राए राष्ट्रीय सुरक्षा-अंतरिक्ष च खोज ते रक्षा उपकरणें च रणनीतिक महत्व ऐ।

<><><><><><>

Estonia NATO

रुस दे MiG -31 युद्धक विमान दे एस्टोनिया दे हवाई क्षेत्र दा कल उल्लंघन करने दे बाद एस्टोनिया ने नाटो सहयोगियें कन्नै परामर्श दी गुजारश किती ऐ। एह विमान कल बिजन अनुमति दे एस्टोनिया दे हवाई क्षेत्र च प्रवेश करियै Finland दी खाड़ी पर 12 मिनट तोड़ी रेया। नाटो दे सदस्येँ Italy Finland ते Sweden नै जवाबी कारवाई च Jet विमान भेजे। नाटो नै इस घटना दी निंदेया किती ऐ। तोंआई रुस नै हवाई क्षेत्र दे उल्लंघन शा इंकार करदे होई आखेया जे एह विमान अंतराष्ट्रीय विनियमें दा पालन करदा ऐ। हल च गै पोलैंड ते रोमानिया आसेया हवाई क्षेत्र दे उल्लंघन दी सूचना दे बाद तनाव बददा रदा ऐ। नाटो दे अनुच्छेद 4 तैहत परामर्श प्रक्रिया दा मकसद गठबंधन दे अंदर सुरक्षा चैंताएं पर विचार करना ऐ।

<><><><><><>

Badminton

बैडमिंटन च भारत दी मर्दे दी जोड़ी Satwiksairaj Rankireddy ते चिराग शेट्टी लगातार बेहतर प्रदर्शन करा रदी ऐ ते China Masters 2025 दे सैमिफाईनल च थाहर बनाई चुकी दी ऐ। 8मीं वरियता प्राप्त जोड़ी नै Quarter Final च चीन दे Ren Xiang Yu ते Xie Haonan दे खिलाफ अच्छा खेडेया ते सीद्दी जित हासल करियै सैमीफाइनल च थाहर पक्की कीती।

<><><><><><>